



María Marketeqi



sariak
2018

Parte hartzaileak: Lehiaketa honetan bizitokia edo ikastetxea Sakanan duten ikasleek har dezakete parte.

Sailak: Lehiaketak lau sail izanen ditu: narrazio laburra, poesia, komikia eta booktubea.

Kategoriak: Lehiaketan honako kategoria hauek bereiziko dira:

- a) LHko 3. eta 4. mailetako ikasleena.
- b) LHko 5. eta 6. mailetako ikasleena.
- c) DBHko 1. eta 2. mailetako ikasleena.
- d) DBHko 3. eta 4. mailetako ikasleena.
- e) Batxilergoak eta Erdi Mailako Heziketa Zikloetako ikasleena.

Lanak aurkezteko epea: 2018ko martxoaren 23an bukatuko da, eguerdiko 15:00etan. Lehiaketan parte hartzeko lanak ikastetxeek zein liburategiek aurkeztu ahal izanen dituzte ikasleen izenean. Lanak Sakanako Mankomunitateko erregistroan aurkeztuko dira, honako helbide honetan:

Sakanako Mankomunitatea
Uriz 32 31830 Lakuntza | 948 464 840
euskara1@sakana-mank.eus

Baldintzak:

- a) Lanak originalak, aurrez saritu gabeak, argitaratu gabeak eta euskaraz sortuak izanen dira.
- b) Gaia librea izanen da booktubeean izan ezik. Horietan irakurritako euskarazko liburu bat aholkatuko da. Liburuaren titulua, egilea(k) eta argitaletxea aipatuko dira betiere.
- c) Ez dira bertsopaperak ametituko.
- d) Narrazio laburrak eta poemak ordenagailuz idatzirik aurkeztuko dira. 12 puntuko hizki-tamaina erabiliko da.

e) Lanek ondoko luzera izanen dute:

Kategoria	Narrazio laburra	Poesia
A	Orrialde 1 gutxienez 4 orrialde gehienez	10 lerro gutxienez 50 lerro gehienez
B	2 orrialde gutxienez 5 orrialde gehienez	20 lerro gutxienez 50 lerro gehienez
C	3 orrialde gutxienez 6 orrialde gehienez	30 lerro gutxienez 80 lerro gehienez
D	4 orrialde gutxienez 7 orrialde gehienez	40 lerro gutxienez 80 lerro gehienez
E		

Kategoria	Komikia	Booktubea
A	Orrialde 1 gutxienez 2 orrialde gehienez	
B	Orrialde 1 gutxienez 3 orrialde gehienez	
C	2 orrialde gutxienez 4 orrialde gehienez	1,5 minutu gutxienez 2 minutu gehienez
D	2 orrialde gutxienez 5 orrialde gehienez	1,5 minutu gutxienez 3 minutu gehienez
E		2 minutu gutxienez 4 minutu gehienez

- f) Komikiak zuri-beltzean edo koloretan aurkeztuko dira. Ez dira onartuko ordenagailuz egindako lanak. Aholkatzen da DinA3 tamainakoak egitea, ongi ikusi ahal izateko testuak.
- g) Bideoak USB batean entregatuko dira edo, bestela, Wetransfer bidez bidaliko dira euskara1@sakana-mank.eus helbidera. Egileen datuak aparteko fitxategi batean bidaliko dira.
- h) Lanak bakarkakoak izanen dira.

Lanak aurkezteko modua: Lan guztiak goitizen batez izenpetuko dira. Aparteko gutun-azal batean egilearen datuak sartuko dira (izen-abizenak, helbidea, telefonoa, e-posta, ikastetxea, maila eta adina) antolakuntzak banatutako ereduan idatzirik. Gutun-azalaren kanpoko aldean garbi adierazi beharko dira honako hauek: lanaren izenburua, egilearen goitizena, saila eta kategoria. Ezin izanen dira lanak multzoka aurkeztu, hau da, lan bakoitzak bere gutun-azala eta bere plika izanen ditu.

Sariak: Aurkezten diren lan guztien egileek oroigarria jasoko dute. Guztira hogeita hamar sari izanen dira:

Kategoria	Saria	Zenbatekoa
LHko 3. eta 4. mailetako ikasleena > A	2 sari	eBook bana
LHko 5. eta 6. mailetako ikasleena > B	2 sari	eBook bana
DBHko 1. eta 2. mailetako ikasleena > C	2 sari	eBook bana
DBHko 3. eta 4. mailetako ikasleena > D	2 sari	eBook bana
Batxilergoak eta Erdi Mailako Heziketa Zikloetako ikasleena > E	2 sari	eBook bana

Sari banaketa: Sari banaketa ekitaldi publiko batean eginen da. Datu Pertsonalak Babesteko 15/1999 Lege Organikoak ezarritakoa betetze-

ko, adingabeen kasuan, parte-hartzaileen gurasoek edo tutoreek onartu egiten dute parte-hartzaileei argazkiak ateratzea sari banaketa ekitaldian Sakanako Mankomunitateko euskarri komunikatiboetan zein hedabideetan zabaltzeko. Horretaz gain, baimena ematen dute saritutako bideoak sari banaketan plazaratzeko. Adinez nagusiak direnen kasuan, haiek beraiek izanen dira baimena emango dutenak.

Argitalpena: Sakanako Mankomunitateak lehiaketara aurkeztutako lanak argitaratzeko eskubidea izango du, paperean zein webgunean, betiere egileen izenak adieraziz. Booktubeen kasuan, Sakanako Mankomunitateak kanal bat sortuko du propio aurkeztutako lanak plazaratzeko. Datu Pertsonalak Babesteko 15/1999 Lege Organikoak ezarritakoa betetzeko, adingabeen kasuan, parte-hartzaileen gurasoek edo tutoreek onartu egiten dute parte-hartzaileen bideoak You Tuben jartzea. Adinez nagusiak direnen kasuan, haiek beraiek izanen dira baimena ematen dutenak.

Epaimahaia: Epaimahaiko kideak Sakanako Mankomunitateko lehen-dakariak izendatuko ditu. Aurkeztutako lanek gutxieneko mailarik ez balute, sariak eman gabe utzi ahal izango lirarteke. Epaimahaiaren erabakia apelaezina izanen da.

Datuen babesa: Datu Pertsonalak Babesteko 15/1999 Lege Organikoak ezarritakoa betetzeko, parte-hartzaileen gurasoek edo tutoreek onartu egiten dute parte-hartzaileek lehiaketa honetan ematen dituzten datu pertsonalak Sakanako Mankomunitatearen fitxategi batean gordeta geratzeko direla. Parte hartzaileen guraso zein tutoreek eskubidea dute datuak eskuratzeko, zuzentzeko eta ezabatzeko, tratamendua murrizteko edota haren kontra egiteko. Horretarako, jakinarazpen idatzia bidali beharko dute Sakanako Mankomunitatera. Adinez nagusiak direnen kasuan, haiek beraiek izanen dira baimena ematen dutenak eta beren eskubideak gauzatzeko dituztenak.

Antolatzailea:

Mank

s a k a n a

Laguntzailea:

Sakanako

Liburutegi publikoak

